

新纂雲南通志卷二百二十六目錄

官績傳二

大理府

明

馮大器 楊榮 楊春 趙彥 楊緯

楊子淵 董璧 蘇鑑 朱鳳 王良

楊子美 王應奎 楊宗堯 李銳 徐杲

楊珮 高昂 吳堯獻 姜勤 張季良

張陞 趙以康 黃極 趙民獻 楊兆衡

楊素修 沈鯨 陶文彥

清

蘇霖泓 劉琨 錢國寶 尹任 李根雲

高第 張綽 楊楚枝 馬士偉 芮泰元

王崇極 石峯 馬錦文 黃紹魁 時畏天

張獅 楊國棠 戴晟 杜夢錫 楊周冕

張于恭 李朝佐 楊以恕 韓榮 楊忻

胡之銑 艾瀛 湯景和 趙瑜 戴廷魁

楊載彤 尹田 李桂 鍾輝祖 施化理

余福謙 張于淳 黃雲書 楊柄銍 張昶

李振林 戴煊 李浩 王炳紳 李燾

楊榮榜

新纂雲南通志卷二百二十六

宦績傳二

大理府

明

馮大器太和人洪武中以國子生擢監察御史巡按陝西清理滯獄
囹圄一空後以言事遷謫大理府志

楊榮太和人永樂壬辰進士翰林庶吉士篤信謹厚同館推其賢以
苦學勞瘁卒於官萬曆志

楊春太和人永樂甲辰進士為御史以風裁稱時總兵某有家訟春
奉命往按舉措得宜時論直之大理府志

趙彥趙州人宣德壬子舉人官高縣知縣仁恕公廉百廢具舉正統

新纂雲南通志

卷二百二十六

宦績傳二 大理府 明

一

十年郡守妬之削籍還鄉後四年芒部作亂筠琪諸夷皆起從之時

都御史招撫諸夷弗聽惟曰復趙縣尹來當即降於是辟彥彥至單
騎赴敵諸夷納款凱還奏功詔復彥職仍治高縣尋卒於官參叙州府志 萬曆志

楊緯太和人景泰甲戌進士任戶部郎中出為黎平知府諸務更新
力興學校增廣生儒擢山東布政使有賢聲雍正志

楊子淵太和人景泰間授四川蓬溪縣教諭善訓迪諸生多所造就
五男仲子以下四人皆以科目發身舉進士者二人並官參政鄉人

推其世德萬曆志

董璧字連城太和人成化丙午舉人歷任蒙化訓導富順教諭科條
模範動則古人士咸有造擢巴縣知縣無何巴為州改知太平太平
新設在萬山中時流寇甫定瘡痍未瘳庶事草創璧雅意撫循流亡

漸復遂爲完邑更知青神去蠹除奸惠愛益著以秩滿乞歸

滇南文略

蘇鑑趙州人成化中歲貢仕至蘇州府同知賦性質實清淨慈明署

崇明縣事撫平海寇全活甚多

請州志

朱鳳賓川人弘治辛酉舉人爲保寧府通判吏畏民懷卒於官檢其

篋止銀九錢粟數斛而已民至今稱之

參大理府志萬曆志

王良字復齋太和人弘治甲子舉人任簡州知州時蜀盜蠶起民無

固志良獨奮然築城誓與民俱死民如子來三月而城完比盜至賴

以捍禦民大德之

大理府志

楊子美太和人由歲貢授南漳知縣九年乞致仕百姓奏留又三年

乞骸骨歸里士民感泣

萬曆志

王應奎太和人弘治癸丑進士官至台州知府有文名多惠政祠於

新纂雲南通志

卷二百二十六

宣統傳二 大理府 明

二

名宦鄉人稱其方正其後五十餘年台人猶問之

萬曆志

楊宗堯太和人正德辛巳進士上書勸講正學平生博雅好古人號

之爲書笥白首窮經夜分不寐可謂篤志矣才志未究卒於觀政人

哀之

萬曆志

李銳太和人弘治甲子舉人平生孝友爲鄉評所與先教授漢中爲

提學何仲默所禮預修雍大記遷知榮縣有惠政既去而人思之祠

於名宦三子皆入仕人謂其爲仁厚之報

萬曆志

徐杲雲南縣人歲貢生任重慶府通判革年例勤催科治行稱最後

任荊州督運致仕有清望崇祀鄉賢

參萬曆志大理府志

楊珮字琢菴太和人正德辛巳進士累官衡高兩府知府以廉惠稱

其在衡州日因大旱祈雨跪拜三日不輟果大雨民德之祠於名宦

里居遯晦不入城府日以經學課其子若孫皆以科第顯參萬曆志大理府志

高昂太和人弘治甲子舉人歷沅江桃源二縣有惠政九載乞歸民

思之為立碑祠於名宦居鄉以孝友睦婣稱三子並以科第顯於時

人謂其能教壽九十餘而卒萬曆志

吳堯獻太和人正德丙子舉人歷官墊江通山令所至以廉惠名平

生以吟咏自樂里居蕭然人有周之亦不受所著有樂天集行於世

萬曆志

姜勤趙州人以歲貢任儀隴知縣興學校恤民隱民至今頌之見順

慶府志萬曆志

張季良趙州人嘉靖壬子舉人由龍陽教諭遷蕭縣知縣時河決民

逃季良築廬舍招流民復業者以萬計蕭人祀之大理府志

新纂雲南通志

卷二百二十六 宣統傳二 大理府 明

三

張陞字平鎮太和人貢生嘉靖閒任巴縣教諭時苦流寇巡撫林見

素知其能委督饗運寇平賑流離掩遺骼蜀人德之署昭化縣事多

善政遷邛州學正脩學造士人文以興歸以孝友禮義教化鄉人人

稱五峯先生雍正志

趙以康字元錫浪穹人萬曆甲戌進士戶部主事督理邊儲精心會

計士馬仰給出為懷慶知府歷貴州按察副使剛柔互用人稱其能

姪孫德璋字禮南於崇禎時任定番高郵邳黔等州清操拔俗進士

劉侗榜其門云物望鼎鑑耳天知琴鶴心亦見稱於時參大理府志道光志

黃極太和人萬曆己酉舉人任慶遠府推官時值荒殘極詢疾苦撫

流移掩骸骼給牛種人有起色獄無冤民督兵援黔有功擢大理寺

評事轉寺正執法不阿晉工部郎中督理三山清釐侵冒權璫大恨

以事中之後遂乞歸

雍正志

趙民獻字大蓋趙州人天啓辛酉舉人任磁州學正教士先德行任閔鄉知縣愛民如子擢臨洮同知耿介明斷有回教人聚衆謀亂民獻單騎理論遂解去歸里後鎮靜端嚴著有萃古名言四卷行世卒年九十五

雍正志

楊兆衡字律璿浪穹人天啓甲子舉人任藍山知縣以寬仁得衆大興學校徭人向化藍山民感其德自著三藍政譜提學陳啓典爲作序稱其有古循吏風

道光志

楊素修字還瀉趙州人天啓甲子舉人初授鄭州學正性剛正每教諸生以忠孝大節歷保縣知縣開封府推官清白公勤理冤除弊時河南土賊郭三叛素修以才兼文武從巡撫楊繩武討擒之軍功當

新纂雲南通志

卷二百二十六 宦績傳二 大理府 明清

四

遷會疾卒汴人深惜之

趙州志

沈鯨太和人崇禎癸酉舉人任武岡知州爲政頗有膽略時值大旱取岷王叛逆渠魁三人磔於市天乃大雨

大理府志

陶文彥字名籙崇禎甲戌進士任連城知縣兼署汀州有循聲連城有秋家嵐險隘爲盜賊出沒之所久弛備文彥建議兵守民得安堵告致後士民歌其實績爲德政心聲集居鄉無異秀才時後起工部營繕司主事不就卒於家

光緒志

清

蘇霖泓字湛若趙州人康熙丙子舉人歷官兩淮鹽運使與蘇霖渤爲從昆弟霖渤典試貴州霖泓以遵義知府作內監試天才警敏兼精吏治極爲總督鄂爾泰所知兩淮提引案發前後任皆被罪獨霖

泓無所染其清節可見一斑

演繁

劉琨字右祖太和人康熙己卯舉人潛心理學有雅量任隆昌知縣兵燹之後招徠撫循興學校製祭器選師儒遂成樂郊後擢開州灤州安州均有成績

道光志

錢國寶字善若太和人康熙癸巳舉人質敏學純任清溪玉屏知縣署思州府事勸農課士均稅疏渠捐積通寬徭役民爭頌之乞養歸服闋選項城蒞任即重興虹陽書院築汾河隄疏蔡河民慶安居致仕卒

道光志

尹任字覺斯浪穹人康熙甲午舉人授山東惠民知縣地當都門孔道時歲饑請賑任親檢戶籍若干每戶應賑若干先榜示通衢然後散給以故無侵漁浮冒者權海防同知兼管水利先是內河堤堰皆

新纂雲南通志

卷二百二十六

宣續傳二 大理府 清

五

責民自修民力難支屢遭水患任力為陳請歲發帑金官民分段修築準為定案捍禦始堅生平嗜學遇古籍輒傾囊購之積軸頗多亂後散失

光緒志

李根雲字仙蟠趙州人康熙戊戌進士歷官江西驛鹽道根雲任檢討時屢典文衡及出守青徐二郡司兩鹺淮備兵贛饒調驛鹽道所至有聲七旬謝病僑寓武昌內轉光祿寺卿辭不赴詩文於脫稿後不復取視浮沉江表者幾二十年循卓之聲尙在人口

滇繁

高第字傳一太和人雍正庚戌進士任名山知縣革除糧茶積弊課士以實識少傅周煌於微時而振拔之宦蜀十餘年去之日民思其

德

光緒志

張綽字裕如浪穹人雍正庚戌進士初授四川彭山知縣繼改湖南

歷任安鄉通道等縣自奉儉約汰供億杜苞苴疏溝渠勸開墾時與農民相慰勞進寒峻之秀者訓課之所至皆有政聲人咸稱爲廉吏

云光緒志

楊楚枝字雲根太和人雍正壬子舉人選授惠來知縣尋移香山粵俗多溺女楚枝首捐俸爲建育嬰堂存活甚衆性廉而恕民愛之皆曰受楊公罰不枉也遷連州直隸州修築城堡振興學校頗有政聲年六十告歸喜周卹族黨囊無餘資光緒志

馬士偉字迴然太和人乾隆丙辰舉人任公安知縣教民始種南豆民呼爲馬恩豆捐俸造南平橋民呼爲馬公橋後調天門築岳家口隄廉能之聲播於遠邇光緒志

芮泰元字亨齋太和人乾隆戊午舉人直隸試用知縣署昌平州事

新纂雲南通志

卷二百二十六 宦績傳二 大理府 清

六

總督方觀成舉爲循吏時西口用兵有崔華盈者珊頂花翎冒充使者憑票折車馬泰元延賓館偵奸狀刑鞫服罪上嘉其能即補延慶知州後在浙江權錢塘知縣總督某家奴私用刑夾斃平人命泰元執法不少縱殊批以強幹褒之擢海防同知告歸道光志

王崇極字子敬雲南縣人乾隆甲子舉人任晉寧知縣捐廉修學宮開河隄焚蝗禦寇士民德之解組時攀轅遮道建立生祠歸後鄉人推爲盛德光緒志

石峯字天柱趙州人乾隆丁卯舉人選納溪知縣實心愛民縣有三灘夏秋水漲漂溺者多峯捐廉拯浮尸瘞之澤及枯骨後歸里卒納溪士民有遠來弔祭者光緒志

馬錦文字梅阿雲龍人乾隆壬申進士選庶吉士散館授翰林院檢

討歷廣西道監察御史戶科掌印給事中才學過人器宇豁達正己立朝不趨權要卒於京師年三十有八光緒志

黃紹魁字希橋雲龍人乾隆庚辰進士授寧河知縣縣為寶坻故地雍正八年始分設舊多水患紹魁為立橋梁平道路行者遂不病涉又以類宮狹小拓而大之凡民所欲為無不畢舉後擢刑部廣西司

主事

光緒志

時畏天字保之趙州人乾隆丙辰舉人由羅平訓導選授慶符知縣居官十餘載詢民疾苦興利除弊如崇學校植人材捐俸置田拯瘞浮尸諸惠政蜀人至滇者猶為稱道光緒志

張獅字扶萬太和人乾隆戊子舉人任江西贛縣有政聲時廣東大饑買挾重貲來糴米價驟昂居民幾無從覓食獅召買與約以二分

勸糶雲南通志

卷二百二十六

宦績傳二

大理府清

七

留縣八分子粵贛人始免絕粒之苦他行事多類此子從鼎從孚並

為縣知

光緒志

楊國棠字樹思太和人乾隆戊申解元任安徽太平知縣聽斷無留獄著懷遠縣事時宿州豪猾王朝名亂甫定流言未息民甚懼國棠處以靜鎮會屆端陽夜飭吏役密偵而大設水嬉縱士民遊覽人心遂安又發陳麥賑民飛蝗過境不傷禾稼遷宿州知州以修河勞動

卒

光緒志

戴晟字曉峯浪穹人乾隆己卯舉於鄉知廣東四會縣民多喜訟好鬪晟莅任後召集鄉堡父老開誠布公隨事化導逾年積習漸泯咸稱長者焉委運粵海關京饒不逾限上臺愈重之調番禺充壬子鄉試同考官得嘉應名士宋湘為榜首撒闈後旋以疾卒光緒志

杜夢錫字齡九浪穹人乾隆乙酉舉人歷權甘肅西河寧夏知縣聽斷明決卓著循聲時有事回疆檄往軍營辦理糧務以會計詳明爲上臺所倚重事竣告歸詩酒自娛年六十五而卒光緒志

楊周冕字冠卿趙州舉人乾隆三十年知羅江縣仁愛廉明善言感導不事煩刑教各鄉民修卡守望相助重修城垣建雙江書院三十五年改州去任士民思之於邑之寶峯山肖像祀之光緒志

張于恭字文安太和人乾隆癸卯舉人究心理學言動不苟以大挑權福建長樂知縣時洋海盜案極難清理于恭悉心剖決旋調權沙縣遷崇安因辨保甲大府稱善頒爲各屬程式道光三年大計列入上考請準補臺防同知未幾臺灣南北兩路地方不靖奉檄往諭深入瘴癘曉以威復人心安定又飭鳳山縣令四路嚴緝獲賊二十餘

人其患遂息咸以循吏能員稱之年七十餘遂致仕歸光緒志

李朝佐字碩卿趙州彌渡人

按科目表作太和人

幼敏而好學乾隆戊申舉於鄉嘉

慶辛酉以大挑知縣分發河南委署羅山西華等縣所治皆有廉能聲旋補鞏縣鞏爲輪蹄絡繹之區四方捧檄銜命而至者星馳雲集民苦供億日不暇給朝佐下車即除煩就簡上無稽滯下無追呼民皆德之又開故道以避秋潦浚隍池以免沮洳俾行者居者無阻滯沈溺之憂道光十五年卒於家年七十六採訪

楊以恕字若泉雲龍人篤崇孝友族黨咸稱嘉慶丙子舉於鄉授馬龍州學正以孝友化及門所得學租給寒士之勤學立品者由是士多勉爲躬行調任雲州諸生有送至數百里者後以截取知縣赴京瀕行猶沾沾以學必實踐勗多士及由都旋滇抵辰州聞兄以忠訃

一痛而逝櫬經馬龍奠祭者絡繹於途咸爲立木主於魁星閣下歲時祀之其嗣男葆以軍功官貴州思南知府光緒志

韓榮字錦堂趙州人嘉慶己卯舉人授馬龍州學正持身儉約品行端方以實踐勉諸生捐廉修學宮復捐金爲李烈婦建坊及刊墓誌人咸服其盛德卒後士林立栗主於魁星閣下祀之光緒志

楊斫字景山太和人乾隆戊申舉人嘉慶中授來安知縣廉潔惠愛折獄敏果葺城建倉倡修學宮及明倫堂建橋梁數處來邑舊有堰塘學田爲他邑侵占斫力請復之來安縣志

胡之銑字吉輝太和人嘉慶乙丑進士授甘肅兩當知縣耆老中有正直者訪以民間疾苦籍記之教民勤樹植明禮讓重廉恥崇儉樸嚴保甲法行鄉飲酒禮政聲卓著旋調張掖遷阜康因壞沃農惰課

新纂雲南通志

卷二百二十六 宣統傳二 大理府 清

九

以農桑至今利之庚辰回疆平以解運軍饟功升知州越二年卒於

旅寓光緒志

艾濂字齊周號玉溪鄧川人嘉慶戊辰進士官寧國縣知縣寧國漕重民以抗欠爲故事逋賦多則徵解額缺歷任被劾相繼去濂莅任嚴定章程明賞罰案牘塵封悉釐剔之無枉縱由是胥吏莫敢爲奸抗糧豪徒亦聞風斂戢暇則問民疾苦興利除弊四境稱治充己卯江南同考官丁艱歸里遂不出掌教育才書院宏獎士類造就爲多著有蟲吟集行世年六十卒於家鄧川縣志

湯景和字養粹號竹筠鄧川人嘉慶辛未進士官松陽縣知縣聽訟勤慎無枉無滯創城南石堤以捍溪水歷兩載始成人稱爲湯公隄邑中科甲式微自景和莅任加意人材作育寒士蜚黃騰達相望焉

壬辰丙辰兩次分校浙閩丙申以任內征解無缺額加知州銜後以卓異薦卸事將入都旋卒子一德官湖北竹山縣知縣鄧川縣志

趙瑜字昆采太和人嘉慶庚申舉人以大挑授湖南瀏陽知縣旋調桂東通道零陵等縣廉明勤慎所至有聲擢直隸同知入見卒於京邸行篋中惟遺書數卷賴同卑賻助始得歸櫬瀏陽各縣均建祠祀

之光緒志

戴廷魁字梅圃浪穹人歲子嘉慶庚申舉人權甘肅西河知縣先是鞏昌府有爭山案其地毗連外番委員往率遙望邊牆而止上臺飭廷魁覆勘集兩造行四日窮陟崎嶇得古碑於荆莽中一訊而服鄰邑有讎殺一家五命者檄往會鞠得實案結總督那彥成嘉其明決忠信授古浪縣歲饑捐廉賑濟多所全活後以西寧差務卒於旅次

新纂雲南通志

卷二百二十六 宦績傳二 大理府 清

一〇

囊橐蕭條幾無以歸光緒志

楊載彤號嶰谷太和人博通經史嘉慶丁卯副貢授馬龍州學正嘗定期面課諸生以讀書立品倫理經濟為教出其門者多知名士調他即捐廉置祭品子弟俊秀者購小學授之晚年喜吟詠著有嶰谷

詩鈔六卷

光緒志

尹田字靜齋雲龍人歲貢生少穎悟邃學工書初官富民縣訓導甫之任即召諸生立門下曰吾輩讀聖賢書當立身修行勿忝列膠庠其教人類如此秩滿旋里幽居別業絕迹公門日率子弟講求治家格言鄉黨欽焉晚年尤精詩律遺藁皆散失無存年八十餘而卒光緒志

李桂雲龍貢生性敏捷嘉慶間官晉寧州訓導勤訓誥廣栽培士林

奉為楷模秩滿歸田卒於家光緒志

鍾輝祖字澤興雲龍貢生性質樸通經史嘉慶間官景東廳訓導課諸生首德行次文藝不數年而士習皆馴合廳稱師表焉年七十餘

卒於官

光緒志

施化理浪穹人道光壬午進士知福建崇安縣捐廉重修敬敷書院及石雄關橋梁士民咸德之解組歸聚徒善誘文風丕振癸巳進士

施壽椿即出其門訓誨子孫首重孝弟族黨咸稱頌焉

光緒志

余福謙字在岑太和人道光癸未進士知四川岳池縣歷權天全會理等州理番叙永等廳所至皆有循聲以終養歸服闋改授東川府教授議設義倉以廣儲粟未幾歲凶多賴全活卒於官著有從學要

覽行世

光緒志

張于淳字葛民浪穹人天姿敏異未弱冠博通經史道光癸未成進

士授甘肅大通知縣卓著循聲調武威時回疆未靖羽檄紛馳于淳力爲籌畫民不滋擾以卓異遷臬蘭卒於官

光緒志

黃雲書雲龍人深於宋學道光癸未進士以親老改授順寧府教授與諸生講求性命在在以身先之秩滿旋里卒於家生平著作諸書多不存惟遺制藝百篇傳誦殆遍

光緒志

楊炳銓字春焦鄧川人道光戊戌進士由刑部主事出任犍爲知縣歷任衢汾蘭叙諸府旋陞甘涼道時境內多亂柄銓安撫流離儲備軍實於戎馬倥偬中講學勸農興利除弊嘗從征固原寧夏夜渡黃河披堅執銳所至歸附後回川籌辦軍實由沔陽進發接濟陝西後路糧台八年之久尤著勤勞升按察使其任官也舉重若輕遍歷浙晉隴蜀中重要之缺四十餘年皆政績卓懋政暇軍餘不廢吟哦著

有史筌及怡雲山館詩集卒年九十六

訪採

張昶賓川人道光丁酉舉人以大挑知鞏縣事政簡刑清愛民如子居官時猶勤學嗜古嘗以詩文課士文風不變著有讀史論略行世論者以爲裨後學云

光緒志

李振林太和人道光甲辰舉人以大挑籤分河北試用知縣借補直隸滿城縣丞調授東光縣咸豐六年以河工奏加同知銜同治六年勦辦梟捻各匪出力奏加運同銜七年在東光任內力保危城積勞身故奉旨加贈道銜並廕一子入監讀書期滿以總丞選用

光緒志

戴煊字毓華浪穹人延魁子德行文學彬彬爲儒者宗道光己酉拔貢咸同間亂作首倡義舉募勇守城會官軍至歲饑饉絀當事者急苛斂煊抗言力爭民賴以安以軍功授祿豐縣教諭捐俸置義學修

新纂雲南通志

卷二百二十六 宦績傳二 大理府 清

一一一

書院訓課諸生先孝弟而後文藝士風不變祿人士至今稱之

光緒志

李浩字虛舫雲龍人性孝友咸豐壬子舉於鄉丁巳州城陷賊羅致幕中浩以計給之得免遂饒道出滇遊學十餘載同治辛未入都以大挑授彌勒縣教諭秩滿升曲靖府教授所至輒樂育門下士多掇巍科致仕歸主講本州彩雲書院循循善誘後進欽焉卒年七十有

三

光緒志

王炳紳賓川人咸豐壬子進士知廣西灌陽蒼梧縣擢寧州知州爲人渾厚治事平允所至愛民禮賢興利除弊以實心行實政不事苛刻不慕虛聲士民悅服去任時咸爲勒石頌德

光緒志

李燾字藝林浪穹貢生幼積學篤於孝友世亂隱居授徒杜文秀耳其名屢聘之不就七旬餘選授元謀縣訓導縣人多逐末科名家寥寥

燾擇生童之俊秀者日與講究經史根柢皆感奮勤學飭諸生在文廟習禮儀肅將祀典致仕歸有送至百里外者有送至家者其感戴如此

光緒志

楊榮榜號藥堂雲龍人名颺孫篤志好學光緒丙子舉於鄉納粟分貴州補用有政聲而尤以開設學校爲苗民興文化爲首卒於任所宦囊一空民感其德爲捐貲運柩還黔省妻子賣田產始扶柩回籍

採訪

新纂雲南通志卷二百二十七

官績傳三

臨安府

明

楊鈞 邢幹 張文宗 田容 唐熬

徐瀾 楊昇 喬瑛 繆璋 繆輔之

張鳳翀 龔廷璧 趙汝謙弟汝惠 李遇元 董學孔

王來賢 楊名學 孫思順 王夔龍 何祺

楊應登 陳龍光 馬一荀 劉廷祚 楊開泰

孫光祚 魏學詩 張一甲 杜茂林

清

楊正 盧炳 李春盛 尹秦 瞿昂

王立憲 蕭大成 邢世瞻 尹晉 沈聯元

陳際熙 楊重光 台璪 薛天培 沈熹

王兆鰲 王行恭 楊臚賜 祁秉衡 徐鳴燮

張珩 楊世昌 萬以敦 李士煥 向大載

馬鍾河 李學周 尹熙 胡海 高揚

王齊英 馮泰 劉名廷 陳莫纒 董作錦

蘇暢華 朱濂 王佐 劉光 朱聖哲

尹振麟 袁鳳孫 沈詠 楊楷 姜有望

趙自中 杜僑 徐碩士 張九功 張鳳書

廖敦行 丁運泰 孔繼尹 韓樹宗 羅士芬

羅士菁	許應藻	李士林	杜念曾	杜念典
杜宣	許暉藻	李景春	胡霖蒼	徐薇
許文藻	汪自修	曾思沂	王鳴岐	陸葆德
陳兆慶	袁嘉端			

新纂雲南通志卷二百二十七

宦績傳三

臨安府

明

楊鈞字大用寧州人元時任威楚通判後避地景東王師南征鈞勸土官歸款穎國公上其名除通政司知事歷陞戶部郎中尋陞雲南布政司土官參議劉三五稱其在官以忠居家以孝云萬歷通志

邢幹字秉中蒙白人天順甲申進士歷官郎中因忤權貴謫知瀘州愛民省費禁暴崇良瀘人德之後遷南陽知府其治民如瀘卒於官所至民皆立祠祀之萬歷志

張文宗字本道建水人少孤鞠於母王讀書過目成誦稍長游郡庠

新纂雲南通志

卷二百二十七 宦績傳三 臨安府 明

一

五舉不偶卒業成均授兩淮鹽運司經歷嘗陳鹽政數事至今行之居母喪遵用家禮服闋遂不復仕與鄉耆結社教其子繹登進士後授封如其官萬歷志

田容字仕儀臨安人領景泰癸酉鄉薦授文昌知縣廉介慈祥政績最著常訊獄得其枉情力為之辯違當道意遂乞歸焉居家教子足跡不至公門子孫官業蟬聯殆遺澤焉萬歷志

唐鰲臨安人正德癸酉舉人知大足縣居官清慎鋤強助弱民德之乞歸田里屏跡公門鄉評推重焉嘉靖中蜀人崇祀名宦萬歷志

徐瀾石屏人嘉靖壬午舉人任榮經知縣清白愷悌丁憂起復縣人如期赴京奏請復除非入人之深其能然乎萬歷志

楊昇阿迷人天順間以貢入太學差隨御史巡按四川直言發御史